

Vita y Mort



"Al slomines sora de nos Signur, la löm de to müs"

La comunité tol comié da **Laura Kanetscheider nasc. Clara - de Ghedl**, gnüda a mancé con 81 agn. Ai familiars les condonanzas plü sontides. Che ara pálsi tla pêsc de Chël Bel Dio.



La comunité ti fej les mius aodanzes de trepa ligrèza y benedisciuin ai geniturs **Carlo Della Gaspera y Paola Rachello** por le Bato de picio **ALEX** y ai geniturs **Markus Erlacher y Stefanie Watschinger** por le Bato de picia **ISABEL**.

Enformaziuns y Comunicaziuns



Preparaziun dal Bato: La Uniun dles Ères Catoliches dal Decanat envièia geniturs co á en viadú da bacé, pèrs co aspeta, toc y totes dal decanat ala Preparaziun dal Bato. An s'encunta en **sabeda ai 11 de setèmbor dales 15:00 ales 17:00**, te Ciasa dles Uniuns sò La Val. La encuntada gnará slüta jö con en picio renfräsch arjigné dla Uniun dles Ères d'La Val. Prenotaziuns al 328 0717796.

Ministronc: Dertan i dis che i ministronc é stês deboriada sön Börz, tla Ütia de Pütia, ái ponsé dô plü sot ales morvèies dla Creaziun y les belèzes dla natöra. Te cösta ocasiun ái ince fat placac con dessëns y oraziuns de iolan. Ai é da odèi te dljia, pai picí altês.

Segra de Munt: Cösta domègna ai 29 d'agost éi Segra de Munt. Te cösta ocasiun sarál **ales 12:00 na mëssa sön Munt de Fojedöra**, abelida dla Böhmische d'La Pli.

Comune: Le Comune de Mareo lascia alessèi che al vën chirí en verdascolari (nonno vigile) co stai jö dla encrujada dal Scibar. Chi co é ensteressês, é periês da se lascé adentène anter i 31 d'agost, tai ofizi de Comune.

Bancarella dal mangé: Stimada comunité, le grup de laur „Cörs dla Val Badia“ lascia alessèi che la Bancarella dal Mangé é sën da ciefé ta Picolin, tal local dlungia la Ciamena dal Guant (entrada dessot). Ara é daverta **vigne vëndres dales 9:30 ales 10:30**. Families/porsones co á debojügn, pó gní a se do patüc da mangé debann.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. **333 4762010** Mail: **ploaniaalplan@gmail.com**
Download plata: **www.unitepastorala.org**




Plata dla Ploania Al Plan de Mareo San Vigile

Ploan: **Signor Klaus Sottsas**
E-Mail: **klsottsas@rolmail.net**

Calogna Al Plan: **0474 501006**
Radio de Ploania: **93,00 MHz**

UNITÉ PASTORALA



VAL BADIA

www.unitepastorala.org

Ann B

29.08.2021 - 22. Domègna ia por l'ann

nr. 40

Ci co ajièia l'anima dla porsona

Dal Vagnele do San Merch 7, 1 - 8.14 - 15.21 - 23

Te chël tomp l'èl i farisei y valgügn stüdiês dla lege gnüs da lerüsalem co se tignia sò pa Gejú. ²Ai odea che en valgügn de sü discepui mangiâ so pan con mans impures, chël ô dí nia laades. ³I farisei, desco düc i atri iüdes, mangia pordèrt mâ, sc'ai s'á laé denant les mans con na man plèna d'ega, desco la tradiziun dai vedli le scrí dant. (...) ⁵I farisei y i stüdiês dla lege l'á porchèl damané: Ciodi ne se tin pa nia tü discepui ala tradiziun dai vedli, mo mangia so pan con mans impures? ⁶Al ti á rospognü: Le profet Isaia á rajun con ci ch'al á dit de os falzuns: cösc popul mo onorèia con i slef mo so cör é dalunc da me. ⁷Al n'é por nia desch'ai m'onorèia; ai ensègna dotrines co é statuc de jont. ⁸Os trascurèis le comandamont de Dio y ves tignís ales tradiziuns dla jont. ¹⁴Spo ál endò cherdé la jont da d'èl y á dit: Ascutédemo düc y capide ci ch'i ves diji: ¹⁵Nia ci co röa da defora ete tal chescian ne sciafia da le fá impur, mo ci co vën fora dal chescian, chël le fej impur. ²¹Deache da daete fora, dal cör dla jont fora, vègnel les ries intenziuns: la prostituziun, l'arobé, le copé, ²²l'adultèr, l'engordia, la marizia, la perfidia, la deslianza, l'envidia, la calunia, la superbia y la teciaria. ²³Dötes cöstes ries cosses vën da daete fora y fej le chescian impur. **Parora dal Signur! - Lalt a te, Gejú Crist!**



Che pó pa ester ghest te töa tända, Signur



Chël co vir zonna fal y s'astela endortöra, chël co dij de cör la lereté y ne descreditèia nia con söa lènga; chël co ne ti fej nia de tort a söa portegnüda y ne baia nia mal de söa jont ijina; - **R**

chël co n'aprijèia nia i malfaturs y ne ti mèt nia averda, mo co tin alalt chi co tèm le Signur y l'onorèia; chël co mantin ci ch'al á empormotü sot joramont ince sc'al mëss paie lassora; - **R**

Oraziun dal dé



Periun! Dio onipotènt, fontana de döt le bën, sonta ete te nosc cör l'amur a to ennom: lièiesse tres deplü a te ch'al crèsci te nos ci co é bun y sant, ciara de nos y mantin ci che t'as operé. Por Gejú Crist, nosc Signur! **Amen!**

Edema liturgica dai 29.08. ai 05.09.2021

DOM 29.	22. domëgna ia por l'ann <i>Decapitaziun de San Jan, Sabina, Beatrix</i>	
08:30	<i>S.M. a La Pli</i>	
9:30	Corona por +nta Laura Clara in Kanetscheider	
10:00	Gran Mëssa por dōta la ploania <i>oferta por la ploania</i> LAD	
	2. de sepoltōra por +nta Laura Clara in Kanetscheider – Laura de Ghedl +nc' Stefan, Christian y Jan Vollmann +nc' Irma y Albert Sottas	
18:00	S.M. +nt Anselmo Ferdigg ITA	
	+nc' Angelo y Marianna Call y Matthias y Moritz	
Lön 30.	<i>Heribert, Ingeborg, Rebeca</i>	
18:00	S.M. +nt Josef Kosta - +nta Maria Kosta DEU	
	+nc' Sottas Davide y Loise, Gasser Ida y Tone Pecëi por les Püres Animes	
Ded 31.	<i>Paulinus, Ujöp d'Arimatea y Nicodemus, Raimund</i>	
19:30	Corona	
Dem 01.	<i>De dla Creaziun I Verena, Rut</i>	
	Vijita personala te dlijia y cortina	
Jöb 02.	<i>Ingrid, Zeno - de d'oraziun do vocaziuns</i>	
	Vijita personala te dlijia y cortina	
Ven 03.	<i>pröm vëndres - Gregor le Gran, Sofia</i>	
07:30	S.M. +nc' Bruno y Celeste Della Gaspera LAD	
	+nc' Maria, Franz, Angelo y Clara Comploi en onú dal Spirit Sant	
15:00	corona	
Sab 04.	<i>Sabeda de Santa Maria I Irmgard, Ida, Iris, Rosalia</i>	
17:30	Corona	
18:00	S.M. prefestia 3. de sepoltōra por +nta Laura Clara Kanetscheider ITA	
	dal ann por +nt Markus Videsott +nt Angelo Ploner	
DOM 05.	23. domëgna ia por l'ann - dai Angeli Custodi <i>Teresa da Calcuta, Rosvita</i>	
08:30	<i>S.M. a La Pli</i>	
9:30	Corona	
10:00	Gran Mëssa por dōta la ploania <i>oferta por la ploania</i> LAD	
	dal ann por +nt Dr. Edi Pizzinini dal ann por +nt Celestino Erardi dal ann por +nt Franz Erlacher da Torpei dal ann por +nc' Jep y Anna de Pire	
14:00	Bato Isabel Erlacher Alex Della Gaspera	
18:00	S.M. +nt Franz Kanetscheider ITA	
	+nta Angela Maneschg - +nc' August y Edelgard Ties	

Te mia vita ...

Azeté, ci co é.
 Te mia vita él trepa scürité,
 lásce me de net odëi les stères.
 Te mia vita él trepes mancianzes,
 lásce me ciáfé la plenëza tal püch.
 Te mia vita él trepa fan,
 lásce me odëi l'encorsciomun desco forza.
 Te mia vita él trepes ferides,
 lásce me che sù sègns cuntes de speranza.
 Y al é soms, dejiders, prospetives
 y encorsciomun, forza y coraje.
 Cheriés da te
 é mia scürité, mio som, mia segurëza.
 Pa te é döt cösc tegnì sò:
 ci ch'al é sozedü, ci ch'al n'é nia sozedü,
 ci che i sun y ci che i ne sun nia. Tóleme sò pa te, por che i sii ince iu bun
 da m'azeté. (Anselm Grün/Andreas Schwarz)

Parores por vigne momont

Beata la jonëza ...
 Co craza demez la crosta y empara da odëi. Söes critiches ne gnará nia ma a odëi, mo ciáfará ince.
 Co ne se lascia nia engiané da de beles parores y da aziuns ötes. Ara ará le coraje da odëi verité te söes esperionzes.
 Co mët le sontí sora la logica y co ne lascia nia sbörlé sentimonc te formules. Ara sará bona da esploré söes profundités.
 Co é scomota por söes mile domandes y co ne s'accontentëia nia de ciacoles. Ara ne sará nia ma bona da ascuté ci che al sozed encëria mo ince te se enstëssa. Co ne se perd nia tal prinzip dal davagn y dal profit. Ara sará via y ciáfará so tru.
 Beata la jonëza co ne se lascia nia storje pordenn ensciö söa jonëza tal vare posoch dal'uniformité.
 Ara é la SPERANZA te cösc monn.
 Beata la jonëza co empara da baié y da ascuté pro y da avëi en raport personal con dōtes les formes dla creaziun.
 Ara é l'AMUR te cösc monn.
 Beata la jonëza co ne se lascia nia umilié y co empara a conësce danö le dër coraje por Dio.
 Ara é la FEDE te cösc monn.

Zuspruch

AM SONNTAG

22. Sonntag im Jahreskreis B

Um die Reinheit zu bewahren, gibt es drei Dinge: die Gegenwart Gottes, das Gebet und die Sakramente.

Jean-Marie Vianney (Pfarrer von Ars)

**Jesus lässt seine Leute
auch ruhen:**

**Sie dürfen in der Sonne sitzen,
ohne ständig
geistliche Gedanken zu haben.**

Helmut Thielicke

Sorvisc dai Ministronc

Lönesc 30/08 (18:00h), Vendres 03/09 (07:30h): Anna Promberger, Angela Trebo;
Sabeda 04/09 (18:00h): Niki Fappani, Chantal Feichter, Elias y Silvia Obojes, Romina Palfrader, Sophie Rungger Kuprian;
Domëgna 05/09 (10:00h): Lisa y Marco Alberti, Felix y Lena Feichter, Simon Trebo

